



## Foromo ya Tlhagiso ya Keletso

Tsweetswee bala dilo tse di latelang ka kelotlhoko pele o tlatsa Foromo ya gago ya Tlhagiso ya Keletso. Re fa dintlha tse jaaka tlhaloso ya gore goreng o tlhoka go tlatsa Foromo gammogo le tshedimisetso e nngwe e e khutshwane.

### **Goreng o tlhoka go tlatsa se?**

Batlhokomelaterasete ba Letlole ba na le tiro go ya ka Molao wa Matlole a Phenšene go abaela baikaegi ba gago le batlhophiwa ba gago tshiamelo e e tlaa nnang teng fa o o swa. Molao o lopa Batlhokomelaterasete go batla ka motlhala baamogeladitshiamelo ba le go ba abela tshiamelo morago ga ba sena go sekaseka selekanyo sa go ikaega ga bone mo go wena ka nako ya fa o tlhokafala. Ka jalo, foromo e e tladitsweng ka botlao e tlaa netefatsa gore Batlhokomelaterasete ba kgona go supa baikaegi ba gago le batlhophiwa ba gago ntle ga tiego le gape gore ba itse dikeletso tsa gago tsa sebele tebang le kabo ya ditshiamelo. Se se tlaa kgontsha baamogelaterasete go wetsa kabo le go diragatsa tuelo e e yang go baamogeladitshiamelo ka bonako.

### **Go dirafala eng fa o sa tlase Foromo ka botlalo ka tshedimisetso ya sešwengšweng?**

Batlhokomelaterasete ba tlaa tshwanela ke go batla ka motlhala baikaegi ba gago mo go ka nnang tiro e telele e e turang e gongwe e ka fokotsang tshiamelo e e neng tshwanetse go duelwa baikaegi ba gago ka ntlha ya ditshenyegelo tse go nnilweng le tsone fa go batliwa le go rurifadiwa baikaegi ba gago. Go a kgonega gore tiego e e tlogele baikaegi ba gago ba humanegile.

### **A tshedimisetso e ke khupamarama?**

Mothapi wa gago o tshwanetse go baya tshedimisetso e mo faeleng ya gago ya bathapiwa e e *khupamarama* mme le gore a fe foromo e go Boto ya Batlhokomelaterasete fa o sena go swa. O ka nna gape wa baya Foromo e e tladitsweng ka botlalo mo enefelopong e e kanetsweng gore e bewe mo faeleng ya ago ya bathapiwa ka taelo ya gore enefelopo e bulwe fela fa o se na go swa.

### **Baikaegi ba gago ke bomang?**

Mogatso, bana ba gago (go akaretsa ngwana yo o mo tsaletsweng le ngwana yo o belegetsweng ka kwa ntle ga lenyalo) le motho ope o sele yo a neng a ikaigile ka ditšhelete tsa gago ka letlha la loso lwa gago kgotsa yo o ka bong a ikaegile ka ditšhelete tsa gago fa o ne o sa swa. Moikaegi o tshwanetse go nna 'motho wa tlhologo', ke gore botho yo o tshelang mme e seng mokgatliho.

### **Motlhophiwa ke eng?**

Motlhophiwa ke motho ope wa tlhologo (k.g.r. motho yo o tshelang) yo e seng moikaegi wa gago, mme e le motho yo o eletsang go mo abela tshiamelo. Dikai tsa motlhophiwa ke ditsala, monnao/mogoloo, batsadi, jalojalo.

### **A Batlhokomelaterasete ba lopiwa go aba tshiamelo tebang le Foromo ya me ya Tlhagiso ya Keletso?**

Batlhokomelaterasete, ka molao, ba tshwanetse go aba tshiamelo ka tekano mo baamogelatshiamelong ba ba kailweng morago ga go sekaseka selekanyo sa go ikaega ga moikaegi mongwe le mongwe. Batlhokomelaterasete ba simolola tsamaiso e ka go tlhatlhoa go lebana ga kabo ya gago jaaka e boletswe mo Foromong ya gago ya Tlhagiso ya Keletso. Fa kabo ya gago lolame e le ruri, ke gone Batlhokomelaterasete ba tlaa diragantsang dikeletso tsa gago.

### **Go dirafala eng fa o setse o na le mokwalo wa kaboboswa?**

Mokwalo wa gago wa kaboboswa ke tokumente ya semolao e e kaelang e bile e laola boswa jwa gago mme e seng ditshiamelo tsa Letlole. Fa o se na baikaegi kgotsa batlhophiwa, ke gone fela foo fa Batlhokomelaterasete (mme e seng mokwalo wa gago wa kaboboswa) ba tlaa kaelang gore tshiamelo ya loso e duelwe mo bosweng jwa gago.

**Ntlha:** tshedimisetso e e nolofaditswe mme dintlha tse dingwe gape le ditlhaloso di ka bonwa mo Molaong wa Matlole a Phenšene.

**Ntlha:** Bakwadi ba ntlha e ga ba na go beleswa boikarabelo jwa tatlhego epe kgotsa tshenyego e e ka nnang teng ka ntlha ya go

GALLET RETIREMENT FUND ADMINISTRATORS (PTY) LTD

A member of the Sygnia Group of Companies

Registration No. 1967/008174/07 VAT No. 4550120770 FSP No. 5538 13B Licence No. 24/80

CAPE TOWN: 7th Floor The Foundry Cardiff Street Green Point Cape Town 8001 • PO Box 51591 Waterfront 8002

Tel: +27 (0)21 446 4940 • Fax: 0866 786 130 • [info@sygnia.co.za](mailto:info@sygnia.co.za) • [www.sygnia.co.za](http://www.sygnia.co.za)

JOHANNESBURG: Unit 40 6<sup>th</sup> Floor Katherine and West Building West Street Sandton 2196 • PO Box 51591 Waterfront 8002

Tel: +27 (0) 10 595 0550 • Fax: 0862 065 173 • [www.sygnia.co.za](http://www.sygnia.co.za) • [info@sygnia.co.za](mailto:info@sygnia.co.za)

dirwa ga sengwe kgotsa go sa dirwe ga sengwe ke motho ope ka ntata ya ntlha e.

## GALLET RETIREMENT FUND ADMINISTRATORS (PTY) LTD

A member of the Sygnia Group of Companies

Registration No. 1967/008174/07 VAT No. 4550120770 FSP No. 5538 13B Licence No. 24/80

CAPE TOWN: 7th Floor The Foundry Cardiff Street Green Point Cape Town 8001 • PO Box 51591 Waterfront 8002

Tel: +27 (0)21 446 4940 • Fax: 0866 786 130 • [info@sygnia.co.za](mailto:info@sygnia.co.za) • [www.sygnia.co.za](http://www.sygnia.co.za)

JOHANNESBURG: Unit 40 6<sup>th</sup> Floor Katherine and West Building West Street Sandton 2196 • PO Box 51591 Waterfront 8002

Tel: +27 (0) 10 595 0550 • Fax: 0862 065 173 • [www.sygnia.co.za](http://www.sygnia.co.za) • [info@sygnia.co.za](mailto:info@sygnia.co.za)